

عدد — ۹۵

امور اداره و تحريريه و اعلانات و ساثره
ايچون مدير مشوله مراجعت ايدلليدر .

عرفاي امتك مقالات متصوفانه لرينه
جريدة صوفيه نك صحيفه لري آچيقدرد .
درج ايدليان اوراق اعاده ايدلنز .

جريدۀ الاصفیاء

شیمدیلك هفته ده بر نشر اولئور .

نسخه سی ۴۰ پاره در .

ابونه سی : بر سنه لك اعتباريله ممالك
عثمانیه ایچون : ۴ آلتی آیلغی ۲۵ غروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جريدة اسلامیه در .

ایسہ خدمتاری و کڈول سیبلہ فاجہ دوچار بولنسی کیفیتلری غایت مہمدر .

اھداب مزبورہنک اعضای تنفسیہ اوزبندہ توز و مختلف میقروبلرک عضویتہ دخولنک خستہلق تولید ایتھہ مسیچون خلق بیورلش غایت اینجہ و کوزایلہ کورولمز قیلچقلر ایدوکنی و بونلرک لاینتقطع حرکتلہ توز و میقروبلری کرویہ المدقلری شایان دقتدر .

موزہ عسکری مدیری

مابعدی وار

احمد مختار

اوائل ، ایلککلر

اخیراً مصرده (صبح الاعشی) نامندہ بر کتاب نفیس نشر ایدلشد . مندرجاتی کنوز غرائبدر . اھمیتہ منی الذمہم قسملری جریده مزہ ترجمہ ایتدک . بر سہولت اولق اوزرہ اوچ مقالہ آیردق . برنجی قسمہ اوائل ، ایکنجیسہ غرائب ، اوچنجیسہ مشاہیر دیہ عنوان ویزدک .

ابتدا اسلامده (خلیفہ) تسمیہ اولنان ذات حضرت ابوبکر الصدیق در .

ابتدا کندیسہ (امیر المؤمنین) تسمیہ اولنان حضرت عمر الفاروقدر ابتدا جوامعدہ صلاۃ جمعہ ایچون مقصورہ اتخاڈ ایدن ، خلفاند حضورندہ سربستانہ ایراد کلامی منع ایدن ، دیوان خاتم ، منارہ پوستہ کبی ایلک تجدد اظهار ایدن معاویہ بن ابی سفیاندر .

ابتدا خلافتہ عائذ مراتب وضع ایدن ، استیذان ایچون حاجب اقامہ ایدن ابو جعفر المنصوردر .

ابتدا تورککری معیتدہ : امور دولتدہ استخدام ایدن ابو جعفر المنصوردر .

ابتدا تورکلردن استخدام ایتدیکی ذات حماد ترکیدر .

اسم باریہ لقبی اضافہ ایدیلن ایلک خلیفہ معتمد بالآھدر .

ابتدا سنہ شمسہ بی سنہ قمریہ بہ تحویل ایدن ، نیروز بیرامہ حرمت ایدن ، اہل ذمتہ مخصوص قیافت احداث ایدن خلیفہ متوکلدر . ابتدا باشہ تاج کین ملوک فرسدن ضحاکدر .

ابتدا دیوانلر ، روی ارضہ خراج وضع ایدن ، بلاد و امصارک

[۲] بوتعبیر پیغمبر ذیشانر افندمر حضرتلرک « خر » حقتدہ کی «ام الحیات» کلام حکمت بیانلرینہ یقین برتعبیر و احتمال انک ترجمہ سیدر . آورو بالیرک دین مبین اسلامدن یکچوق استفادہلر ایتشدرکہ بیک اوج یوز بوتدر سنہ اول جاہل برنوم ایچندہ بمشورلش ، معجزات قدسہلری شمدیہ قدرحیرت بخش عتول بولنان جناب رسول مجتبا افندمرک دین مبیندن دھاپک چوق استفادہ بہ محتاج بولندقلری انتظار حقیقت اوکندہ بالوجوہ متظاہردر .

عاملبرینہ وظیفہلر تعین ایدن ملوک فرسدن قیذاردر . تشکیل ایتدیکی ایلک دیوان محتشمہ (دیوان عدل) تسمیہ ایتشدر .

ابتدا ملوک عربدن تحت حشمت اوزرینہ جالس اولان ، ایلک لباس شوکت کین (جذیمۃ الابرش)در .

ابتدا کندی را کب رجال معیتی ماشی اولہرق تفاخرلہ یوروین اشعث بن قیسدر .

ابتدا محافظ و کوزجی قوللانان زیاد بن ابیہدر .

ابتدا دینار ودرہم اوزرینہ اسمنی خلیفہ اسمیلہ برابر نقش ایدن عزالدولہ بن بویہدر .

ابتدا ملوکدن علی رأس سنجاغی حامل اولان صاحب موصل غازی بن زلکیدر .

ابتدا باشی کاملاً تراش ایتدیرمکی اعتیاد ایدن ملوک مصردن ملک الناصر محمد بن قلاووندر .

ابتدا اسلامده (وزیر) تسمیہ اولنان وزیر سفاح احمد بن سلیمان الحلالدر .

ابتدا اسلامده (صاحب ، کافی الکفاۃ) تسمیہ اولنان اسماعیل بن عباددر .

ابتدا اسلامده قاضی اولان حضرت عمر بن الخطابدر .

ابتدا مدینہ طاہرہدہ قاضی اولان عبداللہ بن نوفلدر .

ابتدا کوفہدہ قاضی اولان جیر بن القشعمدر .

ابتدا بصرہدہ قاضی اولان ابو مریم الحنفیدر .

ابتدا مصرده ہم قضا ہم اجرایی جمع ایدن عائش بن سعیددر .

ابتدا مصرده امور ووقیفہہ نظارتلہ - ہشام بن عبدالملک خلافتدہ مأمور اولان ابو محجن توبہدر .

ابتدا مصرده قول ابی حنیفہ ایلہ قضا ایدن ابوالفضل اسماعیل بن الیسع الکندیدر .

ابتدا مصرده قول مالک ایلہ قضا ایدن ابو نعیم اسحاق بن الفراتدر .

ابتدا قیاس و تفکرندہ خطا ایدن ابلیسدر .

ابتدا علم نحوی وضع ایدن ، اعراب اوزرہ مصاحفی تنقیط

ایلیان - حضرت علینک امریلہ - ابوالاسود الدؤلیدر .

ابتدا ناطق حکمت أنوش بن شیب بن آدم علیہ السلامدر .

ابتدا علم کلامدہ تصنیف ایدن واصل بن عطا المعتزلیدر .

ابتدا علوم فلسفیہ کتابلردن نجوم و طبی ترجمہ ایدن خالد بن یزیددر .

ابتدا اصول فقہدہ تصنیف ایدن امام شافعیدر . (کتاب الرسالہ)

ابتدا فقہدہ تصنیف ایدن مالک بن انسدر . (کتاب الموطأ)

ابتدا عامل عروض ، حروف معجم اوزرینہ لغت ترتیب ایدن

امام خلیل بن احمددر . (کتاب العین)

ابتدا جاهلیت کعبه بنی اکسا ایدن تبع : اسعد ابو کربدر .
ابتدا قیرباچ قوللانان ملوک یمندن اصبح بن مالکدر .
ابتدا اسلامده مدور طلیسان ثورتین عبدالله بن عامردر .
ابتدا قاووق اوزرینه صاریق صاران ملوک مصردن ملک الاشرف
خلیل بن قلاووشدر .

ابتدا صاریقصر صاری قاووق کین ملوک بنی ایوبدر .
ابتدا یشیل صاریق صاران ملوک مصردن ملک شعباندر .
ابتدا سیاه لباس کین آل عباسدر .
ابتدا جاهلیت کعبه بنی اثنای دخولده نعلینی چیقاران ولید بن
مغیرهدر .

ابتدا آتہ بنین اسماعیل علیه السلامدر .
ابتدا زرهک عامل و لابی حضرت داوددر .
ابتدا عربده دمیردن حرب قوللانان ذویزن الحمیردر .
ابتدا جاسوس و خفیہ تعیین ایدن اسکندردر .
ایک قاتل قابل ، ایک مقتول هابلدر .
ابتدا اهل قبله بننده واقع اولان حرب وقعه صفیندر .
ابتدا قرآنه مصحف تسمیه ایدن حضرت صدیقدر .
ابتدا اسم بنی ایلہ آدلانان ارض حبشهده دنیاه کلن محمد بن
حاطبدر .

ابتدا بعدالنبي (احمد) اسمیه اسملشن واضع عروض ابو الخلیل
احمددر .

ابتدا اسملرک نهایتہ عجملرده اولدینی کبی (الدولة) لقبک
علاوه سی مکنتی بالله زمانندهدر .
ابتدا اسملرک نهایتہ و تورکرده اولدینی کبی (الدین) لقبک
ابتدا اسملرک نهایتہ عجم و تورکرده اولدینی کبی (الدین)
لقبک زیاده سی خایفه قادر بالله زمانندهدر .

ایک کنج باشنده پیغمبر اولان و مدت رسالتی ده غایت آز بولنان
حضرت عیسی در . اوتوز باشنده پیغمبرک ویرلمش اوج سنده
پیغمبرک ایشدر .

ابتدا مسافر ایچون صدر مجلسده اکرام و انعامی عادت ایدن
ملوک فرسدن بهرام جوردر .

ابتدا هم جنسی (ترید) ایلہ قونوقلایان هاشم بن عبد منافدر .
ابتدا اسلامده قومشوسنه رمضانده افطار داغیتان عیدالله بن
عباس بن عبدالمطلبدر .

ابتدا شامده خسته خانه یابان ولید بن عبدالملکدر .

ابتدا مصرده خسته خانه یابان احمد بن طولوندر .

ابتدا نوروزی مبارک کون عد ایدن فرسدن جمالکدر .

ابتدا (امامعد) ایلہ باشلایان حضرت داوددر .

ابتدا (مرجبا) ده بن سیف بن ذی یزندر .

ابتدا علم بدیعده تصنیفی بولنان عبدالله بن المعتزدر .
ابتدا مباحث و مناظرده اسائن و اجترایی عادت قیلان فرعوندر .
ابتدا قریشی جمع ایلہ آنلره خطبه لر ایراد ایدن قصی بن کلابدر .
ابتدا النده عصا و راحله سی اوزرینه نطق اوقویان قس بن
ساعدر .

ابتدا جالساً سلاسته ایراد خطبه ایدن ایلک نطوق معاویهدر .
ابتدا مدینهده تشریف نبویدن اول جمعه اقامه ایدن اسعد بن
زرارة الانصاریدر .

ابتدا جمعه کونی اثنای خطبهده رفع ایدی ثنا ایدن عیدالله بن
عبدالله بن عمردر .

ابتدا قلم ایلہ یازان آدم ویا ادریس علیهما السلامدر .

ابتدا لسان عرب اوزرینه یازان هود علیه السلامدر .

ابتدا مکتوبک اولنده بسمله بنی یازان سلیمان علیه السلامدر .

ابتدا (فلانن فلانه) کله لر ایلہ یازان قس بن ساعدر .

ابتدا اسلامده مجلس عسکری تشکیل ایدن حضرت عمر الفاروقدر .

ابتدا دیوان عراقی فارسدن عربده نقل ایدن حجاج بن یوسفدر .

ابتدا دیوان شامی رومیهدن عربده نقل ایدن عبدالملک بن مرواندر .

ابتدا دیوان مصری قبطیه دن عربده نقل ایدن والی عبدالعزیز
بن مرواندر .

ابتدا معاشات مأمورینی یوکسکلره چیقاران مأمونک وزیر

فضل بن سهلدر .

ابتدا وضع خراج ایلہ مقاسمه بنی منع وازاله ایدن نوشروان

عادلدر .

ابتدا اسلامده خراج وجزیه وضع ایدن حضرت عمر الفاروقدر .

ابتدا حیایت مال ایچون قابضل تعیین ایدن زیاد بن ابیهدر .

ابتدا اسلامده خالص کموشدن باره کسن خلیفه عبدالملک بن

مرواندر . اوندن اول فرس وروم سککری رایج ایدی .

ابتدا کموشده عیاری خالص قیلان یوسف بن عمردر .

ابتدا آلتونده خالصیتی تشدید ایدن ملک مصر و شام احمد بن

طولوندر .

ابتدا اسلامده پای تخت ، مقر سلطنت محمدیه مدینهدر .

ابتدا اسلامده زیوف آتفه ضرب ایدن عیدالله بن زیاددر .

ابتدا دمیردن ترازوی عادتخی وضع ایدن امیرالمدینه عبدالله بن

عامردر .

ابتدا عامل اوزان حجاج بن یوسفدر .

ابتدا اسلامده واضع زراع حضرت عمر الفاروقدر .

ابتدا روی ارضه وضع اولنان بیت کعبهدر .

ابتدا عامل حمام سلیمان علیه السلامدر .

ابتدا اسلامده کرج و کره مید ایلہ بنا یابان زیاد بن ابیهدر .

ابتدا عامل قرطاس یوسف علیه السلامدر .

ابتدا (الله عمرار ویرسین) سوزنی سویلیان حضرت عمر در .
 ابتدا واضع قضاة . ماهل در .
 ایلاک ختونه قادین هاجر ام اسماعیل در .
 ایلاک کوزلرینه سورمه چکن قادین زرقاء الیامه در .
 ایلاک پیغمبرلاک دعواسنده بولنان قادین سجاج التیمیہ در .
 ابتدا اسلامده بویامش لباس کین شمیلہ زوج عباس در .
 ابتدا اسلامده حاملہ اولہرق وفات ایدن قادین حضرت زینب بنت فخر عالمدر .

ابتدا مهاجریندن مدینہده وفات ایدن و (بقیع) نام محل مبارکہ ایلاک دفن اولنان عثمان بن مظعوندر .
 ابتدا قرمزی لباس کین قارونددر .
 ابتدا جاهلیتہ شرابی یساق ایدن ولید بن مغیرہ یاخود قیس بن عاصمدر .

ابتدا جاهلیتہ قماری یساق ایدن اقرع بن حابس التیمیہ در .
 ابتدا جاهلیتہ زنا ایله رجم اولنان ربیع بن حداندر .
 ابتدا جاهلیتہ جزای سرقت اولہرق قطع یدہ محکوم ایدیلن ولید بن مغیرہدر .

ابتدا مزدلفہده آتش یاقان قصی بن کلابدر .
 ابتدا قبل البعہ مکدہ اظهار توحید ایدن قس بن ساعدہدر .
 ابتدا بیت مکرمدہ دوه قربان ایدن الیاس بن مضر در .

ترجمی :

ابو محمد

تراجم

شیخ کامل عالم وعامل یعقوب خان حضرتلری
 قدس الله سرہ

بوذات محترم ۱۲۸۰ سنہسندہ اعلان استقلالیت ایدن کاشغر امیری یعقوب خان حضرتلرینک تعلقاتندن ایکن سفارت مخصوصہ ایله جنتمکان سلطان عبدالعزیز خان حضرتلرینک نزد شاهانہسہ اعزام اولنیشیدی ترجمہ حال رسمیسی قاموس الاعلامده مندرجدر .

خدمت رسمیہ ایله ایکی دفعہ استانبولہ کلشدر . برنجیسی ۱۲۹۰ ایکنجیسی ۱۲۹۲ سنہلرندہدر کاشغرامارتنک روس استیلاسنہمعروض قالسی اوزرینہ یعقوب خان حضرتلری استانبولہده اخیسار اقامت ایتمشدردی صورت خصوصیهده کلیشاری مکرردر .

ایلاک دفعہ تشریفلرندہ فاتح جوارندہ اقامت بیورمشلردی کندیلری

طریق نقشبیدن مأذون اولمغله برابر بورادہ مشایخ کرام ایلهده ملاقات ارزوسندہبولندقلرندن بدایہ مشهورشیخ فیض اللهافندی حضرتلرینک صحبتده بولنوب بالاخرہ حامی توفیق افندی [۱] حضرتلرینہ ملاقی اولدقدہ بینہمادہ بعض اسرار ظهور ایتمکله توفیق افندیکن دائمی صحبتدهبولنہرق پک چوق استفادہ ایشلردر حضرت شیخکانتقالندن ایکی سنہسکرہ کاشغرہ عزیمت وبرقاچ سنہ سکرہعودت ایدرکحامینک وارث کالاتی شیخمصطفی پک [۲] مرحومک مجلس صحبتہ دوام ایتمشلردی ۱۲۸۹ سنہسندہمصطفی پکک انتقالدهیعقوب خان تملککندہبولندیغندن منتسین طریقتلری متحیر بر خالدهلر ایکن اشارت معنویہ اوزرینہ استانبولہ عودتله تربیہ وتسلیک مسترشدین ایله مشغول اولمشلردی . صورت رسیده استانبولہکلدکارندہسلطان احمد ومحمود پاشا جوارندہکی قوناقلرندہ اقامت و سکرہلری ایسہ جراح پاشا جوارندہ قوناقلرندہ ازوا بیورمشلردر بورادہ یدی سنہ قدر بولنوب فقط دور استبدادک تأثیراتیلہ هندستانده دهلی شہرینہ کیدرک اون بش سنہ قدر نشر انوار حقیقت بیوروب عالم فاندن کذر ایتمشلردر .

یعقوب خان حضرتلری اوزلرینہ قریب بویلی سیرک و بیوکچہ صقاللی وجهاً اسمرو جودجه ملحم ایدی فوق العادہ تناسب اندامہ مالک اولوب کوزلری پک حقیقت بین ایدی غایت حلیم الطبع و اخلاق محمدیہ ایله متصف اولدیغندن شرف صحبتہ مظهر اولانلر یانلرندن آیرلمق ایستہ مزلردی .

غنائی طبعہ مالک ، فقرا پرور ایدی . دائماً بخارا اصولی صاریق صارارلر ہر حال وحرکاتندہ سنت سنہیہ متمسک بولنورلردی ارتحاللرندہ سن عالیلری یتیم سکنز ایله سکسان ارہسندہ ایدی . علوم عربیہ وادیات فارسیہده یدطولا صاحبی اولوب علم تصوفک غوامضہ واقف و علم لدنہ مالک ایدی مکتوبات علیہلری پک مہم اولوب خصوصیلہ حضرت شیخ اکبر افندمزنک فصوصنہ فارسیجہ یازدقاری شرح اخیراً هندستانده طبع ونشر اولمشدر .

شریفاب صحبت طریقتلری اولان برچوق ذوات کرام ایله مشرف اولیشدم حضورلرینہ کیرلدیکی زمان قید ماسوا محو اولوردی دیہ نقل ایدرلر .

خلاصہ : مشارالہ حضرتلری کلستان عرفان شعبانیہده اچلمش برکل محمدی ایدی . جناب حق سرلرینی تقدیس بیورسون امین . عبدالقادر پک اسمندهکی مخدوملری خدمت عثمانیہده بولنمقدہدرلر دامادلرینک بری اسکدارده نالچہجی درکاهی شیخی احسان ودیکری دیوان محاسبات مأمورین کرانندن نظمی افندیلر اولوب ہر ایکسییہده مابہ الافتحار اهل محبتدر .

حسین وصاف

[۲۰۱] ترجمہ حالری پکن نسخہلرہدہ بازلشیدی .